

欽定平定教匪紀略

欽定平定教匪紀畧卷二十五

十二月十二日巳刑部奏言臣等遵

旨研訊馮克善以各處賊匪蹤跡據該犯供稱我算

武卦總頭目吳卦頭目趙步雲冀州趙莊人坤

卦頭目高玉爪金鄉縣人兌卦頭目牛文成卽

牛亮臣之子現在滑縣離卦頭目就是宋躍濤

至老卦頭有掌九宮的梁姓彰德府城外梁灣

人係李文成之師原是老坎卦又有掌離卦的
邵二山東東昌府城內人邵二已故伊子邵四
尙習離卦又有掌坤卦的衛修得濬縣東關人
別的卦我不知道又李文成的六十四個小頭
目內我又記起有山東曹州的張一得南樂縣
泗莊的姜道學長垣城內的孔老登濬縣河西
的朱崇得濬縣宗家灣的宗元武濬縣楊喜屯

的李常更其餘實記憶不起蒙問我王老得邢
分趙幅三人我們滑縣共有四個王老得有一
個王老得住居甘露村平素習教喫齋並不在
我們卦內有個邢分是武秀才其餘馬依潮及
趙隴趙鳳一千人我都不知道等語謹將所供
未獲各犯年貌詳細訊明奏呈

御覽

是日那彥成高杞楊遇春奏言竊官兵圍攻滑
城初七日夜間賊匪先在東門城上鳴鑼旋有
數十人直撲遊擊李建勲營盤經官兵鎗箭打
退東南角楊芳桑吉斯塔爾營外又有賊數百
人前來滋擾官兵開礮轟擊臣等卽派特依順
保慶祥張大振祁祥等出營截剿德寧阿色爾
滾亦至我兵越過濠溝奮勇剿殺賊匪始猶抗

拒各門官兵及知縣孟岷瞻所帶鄉勇齊聲接
應賊始退回官兵乘勢追趕殺斃賊匪約五六
十名生擒九名次早於查點鄉勇隊內究獲黃
興宰一犯查黃興宰黃興相均係滑城首先起
事要犯奉

旨嚴飭查拏內黃興相一犯已於道口燒斃茲提黃
興宰逐一嚴訊據供係滑縣黃家莊人與胞弟

黃興相均從牛亮臣入教九月初七日宋元成
卽宋老占同徐老四徐老八等欲到縣監刦出
李文成約會同往我等共有八九百人一齊動
手就占了滑城李文成封我兄弟俱爲兌官伯
屢次打仗共拒傷兵勇六人黃興相把守道口
於十月二十七日被官兵燒死我從道口逃回
滑城官兵將城圍困又聞李文成已被殺死衆

人心慌因搬來道口糧食甚多不怕受餓牛亮
臣徐安幙宋老占三人商量既無出路只有死
守見官兵礮臺利害要想焚燒初三夜間徐安
幙同夥六百餘人暗出北門被官兵截殺一百
三四十人昨夜朱元成又令我帶四百人出南
門來燒礮臺不料又被官兵截住率衆跑回官
兵從後追殺我左臂著了兩箭右腿又著一箭

滾落濠溝不能隨衆進城就混在鄉勇隊裏藏
著今被查出等供詰以城內賊首尙有何人據
供牛亮臣徐安幘宋老占三人是大頭目管事
小頭目尙有二十餘人亦有知姓不知名者其
奉

旨飭拏之朱成貴趙得一二犯據供城內並無其人
平素亦不曉得查驗該犯鎗傷甚重審明後同

獲犯均卽正法現在賊勢日蹙而拒守益堅臣等竭力進攻不敢稍有疎懈

那彥成等又奏言遵查晉省獲犯牛世旺所供趙得隴在司寨鎗斃一節前據獲犯秦理供稱趙得隴在滑縣北門外打仗被官兵殺斃趙得鳳在司寨燒斃張大小子張二小子在司寨殺斃並不知有徐茂恭其人等供今牛世旺供稱

趙得隴在司寨鎗斃雖地有不同似該犯兄弟均已殲斃其徐茂恭一犯及徐安輞幼子號小徐當家者查訪均無蹤跡至李文成之妻係張氏趙得隴趙得鳳並非李文成妻弟其滑縣人安懷普滑縣人郭名如現均遵

旨嚴緝又據方受疇移咨山海關獲犯邢輞安供出應拏各犯內有程進水一名查係滑縣小梧莊

人伊父程伯祥聽信于鳳山傳習邪教程進水不肯依從九月間于鳳山帶賊到莊將程伯祥程進水及伊弟程進德程進秀裹脅入夥同現在指拏之李冬狗一犯均在一處並未打仗伊父程伯祥旋即病斃程進水不甘從賊暗與伊弟及被脅之蔣倍川胡太會及族弟程進嶺等商議殺賊投官通知縣孟杞贈帶領鄉勇至丁

樂集劄營剿賊程進水乘夜投出求作內應孟
屺瞻准其立功免死程進水回至莊內將賊衆
烏鎗二十餘桿先行藏匿一面放火一面將于
鳳山砍斃李冬狗上前救護亦被程進嶺殺斃
孟屺瞻隨率領鄉勇進莊攻打將賊剿散留程
進水隨營充當鄉勇後於留固集八里營等處
剿賊仍充頭隊經孟屺瞻具稟前來臣伏思

諭旨棄械投出者應免死罪程進水不甘從逆殺賊
應官尙屬向義出力此時隨營鄉勇卽有數千
若將出力之人再究前罪與前奉

諭旨不符可否將該犯程進水免其究辦之處伏乞
皇上施恩其餘指名查拏之邢二瞎子邢不賢邢三
黑子邢歪脖子牛老安等查訊無蹤恐係案犯
牽扯游供又指拏之王倫一犯現在輝縣報獲

金匱要略卷之二十一
者係一樸實農民並無謀反情事已由方受曉
提省審辦其朱成貴趙得一二犯俟克復滑城
後再加搜捕

同日托津奏言竊查開州一帶與滑濬毗連村
莊稠密其習教從逆者數十餘處節經官兵痛
加殲洗已無成股之賊惟尙有剿剩餘匪或藏
匿磚樓或潛伏地窖節次派員弁帶同鄉民作

眼逐一搜拏共獲犯九百一十九名派員審訊
究出曾經抗拒官兵之小頭目趙玉田袁得新
李可召范佩榮李虎柳舉李二黑根王喜王魁
喬元林子聞遠等十一名並搶掠村莊殺人放
火之侯成秀等二百五十六名均予正法其僅
止被賊裹脅情尚可原者六百五十二名隨時
省釋此外間有土棍乘機掠取糧食亦經查拏

柳賁聞閭漸就肅清茲據馬瑜等呈稱於滑縣
西湖村訪獲劉第五卽劉宗林一犯訊據供認
聽從安陽縣人梁健忠習教傳徒將梁健忠查
拏到案嚴加質訊究出劉宗林家內藏有簿籍
等件復派員前往起獲小旗一面錫圖記一塊
符咒五本共計大小號簿七本編列男婦姓氏
三千八百餘人每人名下註有錢文糧食數目

並地畝品級字樣又大小合同紙片一捲書有
符咒鈴蓋圖記詰訊該犯供認伊與大頭目劉
棚明等從林清李文成傳習八字真言招人入
教凡有送給錢文糧食者許俟李文成起事之
後給與地畝官職每錢百文許地一頃糧食數
石許給官職填註號簿並開寫合同紙片交與
本人作據並據供稱六七年前與梁健忠習教

傳徒人數尙不甚多至十六年滑縣庫書牛亮
臣因虧用庫銀逃往京城將林清引至滑縣與
李文成劉幗明等商定逆謀後劉幗明在伊家
內招人入教許給官職地畝是以相從者衆本
年九月李文成等在滑縣起事劉幗明卽將教
內人等邀往抗拒官兵伊因在家收管簿籍未
經同行等語當將搜捕賊犯名單與該犯號簿

內人名逐一核對其相同者甚多惟查該犯皮
匣內另有黃紙單一張寫牛老明等二十一犯
名姓詰據該犯供稱因係頭目特於號簿內提
出另單存記查單內牛老明卽牛亮臣現在滑
縣林老三卽林清李文成申文顯劉幗明宋克
俊魏得中王學義郭明儒等犯俱已先後誅戮
外其子克敬裘貴王道隴張幗士張幗祥孫敬

義趙幅張鳳祥劉成章李存信翟清林劉趙林
等犯尙未就獲當開單飭令馬瑜等嚴密訪緝
並知照那彥成一體查拏查該犯習教傳徒至
男婦三千八百餘人之多並設立簿籍封賞官
職地畝罪大惡極無論是否係現在飭拏之劉
第五均當嚴行懲辦除將該犯同梁健忠一併
解交刑部審訊外謹抄錄供詞進呈

御覽

同日長齡奏言竊臣前於涼州途次接奉

諭旨飭拏要犯劉五訓當卽飛飭各州縣並委員分

赴各路查拏去後茲據隴西縣知縣佛尼勒稟

稱十一月二十四日在府城二十里舖拏獲僧

人吉仰花卽吉學著於衣包內搜出天平大王

木戳一個內有離卦字樣當將該犯帶省審辦

等因臣親加研訊緣該犯吉仰花山西永濟縣人平日傭趕爲活十六年到陝西咸陽縣壩河灣陳泳發家傭工因其姪外出卽與其姪媳通姦生子經伊夫回歸追究其姪媳自縊該犯畏懼潛逃至河南鄧州楊枝發酒坊復又傭工與店夥陝西渭南人李茂認識至十七年八月內李茂與該犯一同辭出行至河南伊陽縣太白

廟投宿見有不識姓名僧人二人同一幼孩先
經住宿在廟李茂見其行李沉重卽與該犯商
同將三人一併謀斃俵分銀物至夜棄屍河內
逃至陝西耀州地方剃去髮辮卽將謀斃僧人
衣帽改裝化緣於是年十月內行至五郎廳福
坊酒店先有四人在內飲酒內有一人與該犯
敘談說及其妻有病該犯卽答以能符咒治病

其人相約至家該犯畫符念咒其妻病愈因將該犯留住相邀入教該犯始知相延治病之人卽係天平大王劉添貴其同坐飲酒之三人一名左奉先是明戶大師一名焦廷彥一名焦進賢均是鎮殿將軍劉添貴卽僞封該犯爲護步大禪師並令該犯到苟家山焦進賢家住下見焦進賢家東廂房地板下有一地洞內可藏七

八百人並有鎗刀糧食至本年正月劉添貴說
及昨有河南衛輝府坎字號順天王劉成玉王
幅玉卽王大頭牛邦達李添成等曾差劉呈祥
來相邀起事劉添貴因人數無多回覆仍一面
令開孝先杜孔先李茂並該犯等四人分投勾
結入教之人每人給與天平大王木戳一個復
傳口號四句各給銀三四十兩不等並說及如

銀兩不敷再令王承先分送盤纏據稱開孝先
年四十二歲係保定府人前往湖廣地方杜孔
先約三十餘歲係山西人前往四川一帶李茂
前往陝西長武永壽榆林定邊一帶該犯往興
平扶風武功秦州清水伏羌鞏昌一帶曾於十
月底至清水縣遇有素識之蔣得升蔣得禮弟
兄二人並秦州之楊濟父子二人及高駒劉玉

共六人相誘入教蔣得升等均各允從該犯卽
各給木戳印帖一張傳授口號分給銀七八錢
不等令其前往苟家山入夥至劉五順並不認
識等供臣查該犯等膽敢倡立邪教偽刻木印
聚集多人且曾經豫省教匪遣人勾結實屬罪
大惡極其供詞恐有不實不盡除一面飛札陝
西撫臣朱勲速派妥員赴五郎廳苟家山地方

將劉添貴左奉先焦廷彥焦進賢及吉仰花糾約之蔣得升等六人按名速獲查明地洞人數鎗刀糧食嚴究黨與並密札四川湖廣督臣嚴拏究辦外臣一面分派委員前往陝甘境內查拏李茂王承先並該犯弟兄及蔣得升等有無在家一併嚴切訊究臣仍上緊查拏劉五訓一有確實卽當遵

旨由驛速奏

同日同興奏言竊臣欽奉

諭旨飭查汝上縣人劉大秋首告曹州剿散餘匪趙
東禮孟泮搶掠之案查東省定曹賊匪剿平之後
兩月以來陸續獲到餘匪及滋事土賊已逾千

人均經委員確訊分別懲辦近復風聞鄆城縣
境內有匪徒潛藏婦女又聞有莊民劉大經赴

兗州出首之事派員密訪尙未回報茲蒙

訓示卽遵派劉清星夜前赴汶上縣城一帶嚴密查
拏又添派叅將那清阿由郝士連集帶兵密往
鉅野駐劄彈壓至蘭郊一帶素有掖刀匪徒却
非教匪黨類大半與江境海頓等處鹽梟勾結
亦已飭屬通行嚴緝並無滋事之案現在曹州
一帶駐紮防兵遠近均可接應一俟滑賊剿平

再當酌量於各要區適中之地派幹練大員帶兵駐劄以次巡緝所有陳廣寧前奏拏獲王學禮一犯臣親提研訊與前此獲賊王奇山供出之王學禮一犯年貌不符惟該犯於九月內亦曾同教匪打仗搶掠當經飭令正法又前奉

諭旨飭查邵舉人一犯臣自九月以來歷經研訊獲犯俱不知有邵舉人之名查定陶縣有一武舉

邵廷諤早報病故此外別無邵姓舉人現仍飭查邵廷諤子弟親屬中有無爲匪之人另行辦理至現在拏獲定陶武生孔廣運一犯從賊不法當卽正法又現獲朱成貴之堂弟朱成志一犯供出曹縣武生張登鰲范登魁俱在滑縣從賊已飛咨那彥成查緝又朱躍濫之叔祖朱杼申一犯並朱躍濫宋樹得家屬均已拏獲據宋

杼甲供與馮克善素不認識等語除再飭緝朱
躍澧之徒夏之禮陸貴務獲外其朱杼甲一犯
應否解京備質伏候

訓示

是日朱勲奏言竊臣於前月二十九日據鳳翔
府稟報岐山縣三才峽地方向有木廂數處係
商人雇覓外來民人在老林砍伐樹木做成柴

塊運送山外貨賣本年因包穀價值昂貴該木

商於十一月初間停工受雇民人因無工作於

十一月二十七日糾衆搶糧係傅老八桂老九

楊二胡七龍姓等五人爲首約有三四百人等

語_臣查三才峽附近老林與漢中鎮屬在在毗

連隨卽知會鎮_臣吳廷剛挑備弁兵_臣卽於是

日出省並派弁先行往探實在情形_臣於初一

日行抵郿縣據探弁回稱該匪徒等實有四五百人一半徒手其所執器械係刀斧竹矛有鳥鎗數十桿沿途止係掠食並無傷人放火由三才峽竄往寶雞縣屬之拐里地方因該處義勇堵截仍折回三才峽燕子嶺等處現欲竄往蓋屋所轄之厚畛子一帶等語查該匪等僅止搶奪糧石不敢傷人放火臣卽將包穀青空奉

旨查明具奏現在親來查辦緣由寫簡明告示差外
委樊斌等前往曉諭但恐聚而不散必須震以
兵威遂知會吳廷剛帶兵由留壩江口前赴厚
畛子一帶迎截並將省城挑備之撫標兵二百
五十名西安鎮標兵一百五十名派令署撫標
遊擊馬國鑑帶領由盩厔峪口前進又派委鳳
邠道胡枝蕙候補知府費濬同知向淮前往山

內鼓勵本地義勇隨處截拏嗣據探報該匪竄
至盤屋縣山內獨獨河一帶裹脅民人東竄臣
遂於初四日由郿縣轉回盤屋據厚畛子把總
海蒲稟稱該匪有紅藍旗八桿共八九百人初
二日在佛爺灘紮住逼令鐵匠打造刀矛又據
鄉約歐吉祥報稱初三日小王澗有賊三百餘
人持執棍棒並有紅藍旗四桿搶掠糧食並未

殺人放火有東竄之勢等語查佛爺灘距小王
澗二百餘里佛爺灘匪徒據探報初三日早晨
尙在該處未動今小王澗一股其不殺人放火
同一行徑蓋屋亦有木廂或係三才峽匪徒勾
結滋事尤爲可恨查該匪等均係無藉之徒雖
現在祇係搶奪但已有旗幟刀矛未便因其尙
未殺人放火稍事寬貸且山內游民雜處恐其

聞風效尤應先派兵截其東竄之路以便漢中
鎮之兵跟蹤追剿臣現派本標叅將護西安鎮
總兵達凌阿帶領撫鎮標兵四百名由鄠縣之
八里坪一帶探蹤堵剿相機辦理至吳廷剛業
已調兵一千名計初八九即可會齊由留壩西
江口向東北探蹤追剿正可與達凌阿兩路夾
擊漢中官兵久經戰陣吳廷剛打仗奮勇現在

老林冰凍甚大臣已委員賁送銀一千兩囑其
鼓勵官兵緊跟追剿不予以暇臣仍於沿山一

帶督率印委各員設卡防堵並移知將軍臣穆

克登布督臣長齡一體知照辦理再臣因斜峪

關係三才峽出口地方當經札飭該汛千總鄭

忠祥查出兵丁陳開文宋開運楊興等三名素

與首犯傅老八楊二認識因卽派令持示曉諭

茲據回稱在獨獨河趕上將告示交付楊二等
與衆閱看楊二等當邀余姓寫有訴呈一紙並
據回稱頭目桂老九因分贓不公業被夥匪在
燕子嶺殺斃現在頭目係傅老八楊二喜兒余
姓羅鬍子等語合將帶回呈詞一紙咨交軍機
處預備呈

覽均奏入

上命軍機大臣傳諭那彥成高杞楊遇春日那彥成等圍攻滑縣頗兵堅城之下已越四旬仍未攻克盼望捷音實深焦急正在降旨詢問間適接那彥成等初九日奏報據稱賊匪於初七日出城撲營欲圖焚燒礮臺經官兵截剿殺斃賊匪五六十名生擒九名擒獲著名賊首黃興宰一犯審明正法並稱現在賊勢日蹙拒守益堅官兵竭力進攻等

語黃興宰與弟黃興相係滑城首先起事之賊黃興相前已殲斃今又將黃興宰拏獲正法所辦甚好惟官兵自圍攻滑城以來已及月餘雖時有殲獲賊匪而孤城未下曠日持久老師糜餉滑城一日不克人心一日不定賊匪黨與伏莽未淨豈無觀望生心者那彥成等何慮不及此本日據朱勳奏報前月二十九日陝西岐陽縣三才峽地方有

匪徒四五百人持械掠食旋經竄至盩厔縣山內
獨獨河一帶裹脅民人東竄計有八九百人又小
王澗亦有賊三百餘人搶掠糧食並有旗幟刀矛
現經該撫派員與總兵吳廷剛兩面堵剿等語陝
省地方又有匪徒滋事雖據奏係饑民掠食但已
有千人之衆現已有旨諭令長齡帶兵來陝督辦
若能一鼓撲滅固屬甚善倘稍緩時日豫陝連境

豈不又增牽制昨已降旨令那彥成等務於本月
二十前奏報藏功該督等接奉此旨當倍加奮勉
設法攻取慰朕宵旰殷懷毋稍延玩至滑城攻克
之後大局雖定而搜剿餘匪頭緒尙多滑城本賊
匪起事之處其附近一帶藏垢納污仍復不少那
彥成於克城後著於各路征兵內挑取精銳得力
者同吉林黑龍江馬隊共數千名在滑縣紮營駐

守彈壓曉諭村莊市集居民各將有名匪徒自行
縛首或訊出賊目派委文武員弁前往緝拏以大
兵爲之聲援若小有抗拒則派一二將備帶兵數
百名立時擒捕若匪徒勢衆則那彥成等卽親督
勁兵一舉剿除其勢亦如以湯沃雪無難立辦滑
縣一帶殲捕淨盡再督兵移營大名一帶亦如駐
兵滑縣時一律辦理俟直豫交界之處零匪搜捕

淨盡實可放心該督再奏聞候旨伊雖係直隸總督本任現有章煦署理朕明年暫緩謁

陵直隸別無緊要事件那彥成不必分心懸厪惟當事意軍務迅奏捷音妥辦善後此爲至要至陝省饑民搶掠之事長齡卽日遵旨帶兵前往督辦一俟滑城攻克著高杞卽帶領西安滿兵並酌帶陝甘兵一三千名由潼關取道速赴南山幫同長齡剿

辦如到彼後該省業已辦竣卽著將所帶之兵分別撤歸原伍高杞自行來京復命高杞於滑城克後迅速起程不可遲延觀望致干重譴彼時如陝省緊急那彥成舊任陝甘總督或卽派該督前往屆時再降諭旨再同日據長齡奏稱於鞏昌府城外盤獲邪僧吉仰花一名搜出天平大王偽號木戳一個內有三卦字樣據供偽大王名劉添貴在

陝西五郎苟家山本年正月間劉添貴曾言及衛
輝府坎字號順天王劉成玉王幅玉卽王大頭牛
邦達李添成曾差劉呈祥相邀起事劉添貴因人
少未行令關孝先杜孔先李茂並該犯等四人分
投勾結該督已分飭查拏等語劉成玉王幅玉牛
邦達李添成遣劉呈祥赴五郎勾結劉添貴一節
係本年正月間之事其李添成是否卽係李文成

劉成玉三人滑縣獲犯內曾否供有其名著那彥
成等詳悉查明覆奏再現在訊據馮克善供有掌
九宮之老卦頭梁姓係李文成之師住居彰德府
城正東十五里梁灣地方正在降旨查拏未刻接
據托津奏到搜捕零匪摺內拏獲劉第五卽劉宗
林訊出聽從安陽縣人梁健忠習教傳徒當將梁
健忠拏獲梁健忠住安陽縣安陽係彰德府附郭

首縣其人是否卽係李文成之師在梁灣居住者
並著查明覆奏又昨日飭拏之王老得一犯訊之
馮克善據供滑縣共有四人名王老得其甘露村
居住之王老得家資甚富平日喫素並不與伊同
教等語王老得是否止於習教喫齋有無從逆情
事或此外另有習教謀逆之王老得著那彥成訪
問明確查拏勿誤又據馮克善供有掌坤卦之術

修得住居濬縣東關又小頭目內有宋崇得一犯
住濬縣河西宗元武一犯住濬縣宗家灣李常更
一犯住濬縣楊喜屯並著那彥成等查明各該犯
曾否一同起事現在滑縣城內一併查緝務獲訊
明辦理並將各該犯年貌清單一併抄寫發往至
那彥成另片覆奏查緝各犯內程進水一名被裹
陷入賊營既經殺賊投出復屢次充當頭陣自應

寬其究辦如再有殺賊立功之處卽拔補營弁均
無不可其朱成貴趙得一二犯據直隸山東訊明
現在滑縣城中那彥成等仍當留心查緝毋令漏
網其現在滑城抗拒之牛亮臣徐安惻宋老占三
犯俱應生擒盡法處治若臨陣殲斃亦必確實驗
明方可憑信不可稍有草率又本日據御史黃中
傑奏輝縣地界有關名侯趙川在縣西北七十里

險要天成聞有賊匪竄入該處者恐其在內盤踞
等語侯趙川係輝縣險要之區豈可使賊匪潛入
盤踞並著那彥成等查明搜緝淨盡毋留餘孽

臣等謹按陝省三才峽匪徒因饑掠食原其
起衅之始固非若教匪之蓄心謀逆然南山
戡定未久民氣浮動又陝甘各營將弁兵丁
多徵調外出奸民伺隙乘機搆亂使非迅就

掃除則深山密箐滋事堪虞斯時滑城未下
盼捷方殷而警報疊傳事機叢出實爲軍務萬分喫
緊之時我

皇上籌筆殷繁不遑日昃臣等跪聆

指畫焦灼同深乃是日丙夜適遞到那彥成等六百

里加緊喜報克紓

宵旰遠震聲威由是

簡得勝之師翦方萌之孽功成破竹勢若摧枯良由
至德勤勞寅承

天眷之厚也已

上又命軍機大臣傳諭托津曰托津奏節次緝捕零
匪獲犯九百餘名並拏獲傳教大頭目劉第五卽
劉宗林起獲小旗圖記符咒號簿等件究出習教
傳徒之梁健忠一併拏獲派員解京審訊等語所

辦甚好劉第五一犯無論是否卽係聽從林清派
令帶人進東華門之犯其積年窩藏逆犯習教傳
徒至三千八百餘人之多情罪已極重大自應與
梁健忠一併解京審辦所有拏獲劉梁二逆犯及
搜捕零匪審辦出力文武各員弁著托津擇其尤
爲出力者保奏數員候朕酌量施恩托津仍卽遵
前旨前赴那彥成等軍營會議托津到彼時查看

攻圍滑城情形如卽日可破不妨在彼停留數日
俟滑城克復後幫同那彥成將俘獲要犯詳悉訊
辦若約計攻破滑城尙須時日托津卽迅速來京
供職

上又命軍機大臣傳諭長齡曰據長齡奏盤獲匪僧
吉仰花卽吉學著一名訊據供稱聽從五郎廳匪
犯劉添貴糾約入教同左奉先焦廷彥焦進賢三

犯俱受劉添貴僞封並在苟家山焦進賢家見有鎗刀糧食本年正月衛輝府劉成玉等遣劉呈祥邀約劉添貴起事劉添貴因人數無多不能隨同起手旋給該犯木戳銀兩遣同關孝先杜孔先李茂三犯分投糾人滋事該犯至清水縣糾約素識之蔣得升蔣得禮並秦州之楊濟父子高駒劉玉六犯令往苟家山入夥等語逆匪劉添貴與河南

逆匪潛相勾結遣匪徒吉仰花等分出糾人經該
督督飭地方官於鞏昌地方盤獲究出勾串各情
其劉添貴等犯在五郎廳苟家山潛匿現尙伏而
未動自易掩捕至劉添貴潛遣匪徒四出勾結恐
不止如該犯所供李茂王承先等數犯該督務飭
地方文武員弁一體嚴密查拏毋稍疎懈本日據
朱勲奏岐山縣三才峽有匪徒數百人持械掠食

並製造旗幟刀矛裹脅民人東竄已知會總兵吳
廷剛調兵一千名前往剿辦並查知兵丁陳開元
等與首犯傅老八楊二認識派往持示曉諭當經
楊二等寫有訴呈一紙現在頭目係傅老八楊二
喜兒余姓羅鬍子等語現在岐山地方匪徒滋事
朱勲已帶兵前往剿捕長齡自己接稟報此事聞
係緊要著卽酌帶甘肅勁兵星夜馳赴陝省督辦

據該匪徒等所遞訴呈稱係年饑求食著該督察看情形該匪徒既自稱饑民正當將計就計一面出示解散黨與令其將爲首之傅老八等犯獻出按律懲辦其餘脅從者查係鳩形鵠面因饑掠食之人均可從寬發落如該匪徒始終抗拒卽督飭弁兵迅速撲滅淨盡毋任蔓延本年西安等處歉收處所已分別加恩撫卹若實因地方官諱災起

錄並著長齡查明將董教增朱勲及諱匿之地方
官一併嚴叅至五郎屬苟家山之匪犯劉添貴等
經朱勲派員查拏如已捕獲甚善若有抗拒長齡
現馳赴岐山一帶距五郎關不遠卽可就近帶兵
掩捕不致疎失倘長齡接奉此旨之日朱勲已將
岐山匪徒辦竣長齡卽毋庸帶兵前往

上又命軍機大臣傳諭朱勲曰據朱勲奏稱岐山縣

三才峽有匪徒四五百人持械掠食由盤屋縣山
內獨獨河一帶裹脅共有八九百人逼令鐵匠打
造刀矛又小王澗地方有賊三百餘人執持棍棒
隨處搶掠亦有東竄之勢業經該撫派令總兵吳
廷剛等帶兵籌剿並繕寫告示令與該匪目素識
之汛兵持往曉諭據該匪等呈訴因饑覓食並無
造反之事等語該匪等藉荒歉爲詞輒敢糾集多

人肆行搶掠但一經該撫出示曉諭該匪等卽行
具呈申訴似尙有悔罪之心朱勲自當趁該匪等
申訴情詞將計就計再行曉諭安撫俾匪夥立時
解散令將爲首者舉首彼時再將爲首之犯按律
辦理餘衆從寬發落可不致大煩兵力豈不甚善
如該匪等始終抗拒自不能不痛加殲捕現已諭
知長齡令其挑帶官兵來陝督剿朱勲此時先督

率吳廷剛等相機妥辦如已將首夥全行辦竣卽
飛速知會長齡毋庸帶兵來陝再本日長齡奏隴
西縣盤獲僧人吉仰花供出偽號天平大王劉添
貴一犯在五郎關苟家山潛遣夥黨分散木戳四
出糾人該督已知會該撫派人密拏首夥各犯一
經拏獲迅速具奏五郎關卽在南山之中恐其與
三才峽匪徒互相勾串該撫當飭知帶兵將弁等

留心防範毋稍疎虞

上又命軍機大臣傳諭章煦曰昨日審訊馮克善續據供出李文成小頭目六十四名內有姜道學一犯居住南樂縣泗莊又孔老登一犯年五十餘歲居住長垣城內著章煦卽速派妥員會同地方官將該二犯查明緝獲勿任漏網緝獲後卽行訊供奏聞

上又命軍機大臣傳諭馬慧裕常明曰本日據長齡
奏拏獲陝省匪犯劉添貴派往甘省糾人入教之
吉仰花卽吉學著搜出天平大王木戳一顆訊據
供稱伊與關孝先杜孔先李茂等四人均聽從僞
號天平大王劉添貴等入教本年正月內有衛輝
府坎字號順天王劉成玉等差劉呈祥來約令合
兵起事劉添貴因手下人少派伊等四人各處糾

人入教每人給天平大王木戳一顆傳口號四句
令其分路行走關孝先係保定府人走湖廣一路
杜孔先係山西臨晉縣人走四川沿邊一路等語
著馬慧裕常明查明年貌飭知該省地方官留心
盤詰關孝先杜孔先二犯如年貌相符並搜有天
平大王木戳卽係正犯無疑拏獲後該督卽親提
審訊錄取確供由驛速奏

上又命軍機大臣傳諭同興曰據獲犯馮克善供出
坤卦頭目高玉爪係山東金鄉縣人又掌離卦邵
二係東昌府城內人現已病故伊子邵四尙習離
卦教又李文成小頭目張一得係曹州人著同興
卽派員分投前往金鄉等處將高玉爪等三犯嚴
密訪拏就獲後該撫親提審訊錄取確供由驛具
奏再據同興奏宋籽甲一犯現已拏獲著派員解

京交刑部歸案審訊

同日同與奏言查定陶曹縣難民前經

奏准撫卹概給三個月口糧今據藩司朱錫爵具

稟荷澤濮州二處應賑之戶其情形與定曹相

等若照賑例分別極次窮民未免向隅應請與

定陶曹縣一體散給三個月口糧以歸畫一奏

入報

聞

是日亥刻那彥成高杞楊遇春由六百里加緊

奏言竊

臣

等圍攻滑城生擒賊首黃典宰於本

月初九日具奏後查前此各門挖掘地道先被

賊匪火焚石砸二處未能得手

臣

等憤恨已極

復親身督率楊芳桑吉斯塔爾等催令兵夫仍

於城西南角挖掘明暗二道使賊匪不能知覺

初九日晚間工竣其暗處已越城根又西門地道亦經楊遇春親自督辦同副將何占鰲遊擊朱保等晝夜催僨亦已刨挖近城臣等誠恐稍緩時刻或被賊匪窺測隨於初九日戌刻密傳號令先於西南角一處將地雷火藥安置穴內嚴密堵口預備引線發火一面撥派官兵鄉勇分路進攻臣那彥成自帶親隨弁兵督同慶祥

楊芳桑吉斯塔爾副將張大振巴圖魯德海劉
泰永海等攻打城西南角并派叅將祁祥都司
寶德趙啟貴等隨後接應臣高杞同格布舍富
僧德德音額侍衛阿勒罕保額勒精額色楞保
等攻打東門并派遊擊富克精阿都司沙武德
等隨後接應臣楊遇春同特依順保德寧阿色
爾滾長慶諾木齊蘇清阿達斯呼爾岱等攻打

大小西門并派副將舒豐阿章京富明額勒登
遊擊廣瑞等隨後接應馬元同蘇爾慎協領七
克唐阿遊擊馬光宇知縣孟杞瞻等攻打北門
并派叅將薛陞遊擊李建勲等隨後接應各路
俱備雲梯沙土布袋以便登城一面令礮臺將
并用礮轟擊另派吉林黑龍江及蘭州固原官
兵馬隊伏於近城處所四面兜圍以杜賊匪竄

逸并號令官兵如有能上城及擒獲賊首者加
以重賞諄囑將領令其辨認賊首務在生擒布
置已定卽於初十日卯刻進兵齊攻五門賊衆
在城抵拒鎗石如雨官兵奮勇撲近城根二次
均爲鎗石所阻正在相持臣等一面令發地雷
一面催兵四面直進詎賊匪施放鎗礮益加抗
拒官兵鄉勇多有傷亡時城西南角地雷轟發

南門裂開城牆二十餘丈磚石亂飛轟斃賊匪
無數賊始驚慌臣那彥成督同楊芳桑吉斯塔
爾等冒突烟火攻上左首率衆衝入劄住缺口
楊遇春等攻上右首直接大小西門時西門地
雷亦發官兵雲梯齊上城壕高杞同馬元等分
投奮勇進攻各門官兵俱用雲梯沙袋躍登直
上賊匪復在壕口拚命抵敵官兵無不勇氣百

倍飛越城堦將賊匪痛加剿戮共殺斃及跌斃者三四千人先將南門大小西門攻破東門北門亦卽立破其有跳城逃竄者悉被城外所伏官兵擒獲無一得脫大兵齊入城中分投剿殺賊衆突圍欲逃向前直撲數次俱被官兵鎗箭攻打又約斃四千人其餘退回民房閉門抗拒現經官兵舉火焚燒卽可盡數殲獲惟城內

房屋堅固四圍均係磚牆火攻急切難克且官兵自卯至酉打仗克城已閱七時之久亦須少予休息現將五門嚴密堵住再行進剿以便生擒賊首斷不使一名漏網此次共殲斃賊匪九千餘人生擒二千餘人奪獲旗幟鎗礮刀矛等項無算投出難民老幼男婦二萬餘人尙需查訊辦理其在城著名賊首同節次奉

旨飭拏各犯現在生擒之賊甚多是否擒獲抑已殲
斃倉猝實不能辨認統俟將城內伏匿賊衆拏
獲淨盡再行切實究訊一面飛札廣厚囑其來
營會同提審具奏仍飭府縣及委員等先行安
撫難民勿令驚懼其出力員弁兵丁及傷亡弁
兵鄉勇等容再分別查辦謹先將大概情形馳
奏仰慰

聖懷奏入

十二月十三日

丙午

上諭內閣曰那彥成等由六百里加緊馳奏督率官兵攻克滑城一摺覽奏欣慰此次逆匪勾結起事始於滑縣戕官劫獄佔據縣城其夥黨在直隸山東邊境者亦同時竊發擾害城鎮鄉村居民被其荼毒節經派調官兵分路進剿山東曹定等處賊

匪早經撲滅直隸開州長垣一帶亦就地掃除其
豫省大股賊匪先經那彥成等將道口桃源屯踞
之賊次第攻克其時逆首李文成率領匪衆竄至
輝縣司寨地方經楊芳等帶兵殲斃兇渠蕩除餘
孽惟佔踞滑城賊匪負隅抗拒圍攻已越四旬現
經那彥成等周環布置於本月初十日親督兵勇
奮力進攻城南地雷轟發震裂牆垣數十丈那彥

成督同楊芳桑吉斯塔爾冒烟攻上左首楊遇春
攻上右首城西地雷隨發官兵雲梯齊上城堞高
杞同馬元等帶兵進攻各門分投繼進殲斃賊匪
三四千人賊衆笑圍逃竄又被官兵擊斃四五千
人生擒賊匪二千餘人投出難民老幼男婦二萬
餘人全城克復此皆仰賴

上天

祖

考垂佑深恩得以掃除逆惡迅奏成功朕與天下臣民
同深慶幸那彥成高杞楊遇春統領師干不辭艱
瘁其在事將領官兵等亦俱奮勇出力允宜渥沛
恩施以昭懋獎那彥成著加太子少保銜賞給三
等子爵換戴雙眼花翎在紫禁城內騎馬并賞給
御用荷包一個陞拔伊子容照爲乾清門二等侍

衛所賞荷囊翎枝卽著容照馳驛賁往又賞給黃
面黑狐皮馬褂一件四喜玉搬指一個吉祥白玉
牌一個鑲寶石帶扣一副黃辦大荷包一對小荷
包二個高杞著賞給頭等輕車都尉紫禁城內騎
馬并賞給黃面烏雲豹皮馬褂一件四喜玉搬指
一個鑲寶石帶扣一副黃辦大荷包一對小荷包
二個楊遇春著賞給二等男爵紫禁城內騎馬并

賞給黃面天馬皮馬褂一件四喜玉搬指一個鑲
寶石帶扣一副黃辦大荷包一對小荷包二個桑
吉斯塔爾隨那彥成率先登城著加恩在御前侍
衛上行走其摺內圈出各員除那彥成高杞楊遇
春外凡攻城出力者俱著交部從優議敘兵丁賞
給一月錢糧圍城各官弁俱著交部議敘兵丁賞
給半月錢糧并發去四喜玉搬指十個玉柄小刀

十把花磁翎管十個玻璃鼻烟壺五個分賞出力
官弁一兩重銀鏤二百個五錢重銀鏤二百個一
兩重銀牌二百面五錢重銀牌二百面分賞出力
兵丁自九月十二日以後直隸豫東等省軍報絡
繹并有突入禁門逆案軍機大臣等晝夜宣勞除
勒保病假在家近甫銷假入直外董誥盧蔭溥著
交部從優議敘桂芳自托津出差派令入直奉職

克勤著卽在軍機大臣上行走仍交部議敘松筠
曹振鏞職任綸扉俱著加恩晉太子少保銜劉鏞
之英和督緝認真俱著加恩賞加太子少保銜百
齡同興辦理防剿事宜奮勉出力俱著加恩賞加
太子少保銜軍機章京通政使司叅議姚祖同著
交部從優議敘此外各章京著交軍機大臣查明
尤爲出力者保奏數員交部從優議敘其餘各員

并著交部議敘所有此次議敘各員均著照軍功
例議給

臣等謹按逆賊以編戶齊民食毛踐土乃背
生成之德逞不軌之謀至于

宮闕震驚生靈荼毒罪大惡極天下臣民人人憤
恨洎乎滑城圍困之後固已計無復之顧賊
之精銳悉萃於此廣積糗糧負嵎固守延喘

將及四旬附近奸徒旣難保無伏匿觀釁而
訛言四起且復時駭聽聞我

皇上天威遠震

聖武赫揚滑城巨礮一轟無異於

震霆之殛計那彥成等十三十五兩次奏到殲擒賊

黨幾二三萬人渠魁一一生致維時京師查

拏逸犯前後亦已多至二百餘名歲暮獄具

內外大局全定由是機槍淨掃氛翳廓清寰
宇乂安

天人欣暢迴念自九月十二日以後事變紛然仰惟

大聖人勞心焦思

握樞廣運克底救寧太平之福

錫自

一人

恩諭特頒論功行賞內外諸臣誠何力之有焉

上又諭內閣曰昨據那彥成等馳遞六百里加緊克復滑城捷音所有兵部捷報處由良鄉縣迎遞軍報之主事穆克登筆帖式慶齡俱著加恩賞戴藍翎俟陞至五品准其換戴花翎德勝門接遞喜報之郎中永魁筆帖式輔良俱著交部議敘其自軍營至京沿途各驛站官弁夫役著該督撫查明照

例獎賞

上命軍機大臣傳諭那彥成高杞楊遇春曰本月十二日亥刻那彥成等由六百里加緊奏到攻克滑城大概情形覽奏欣慰之至已明降諭旨將那彥成等三人各施厚恩其餘將領官兵俱優加獎賞矣滑城攻克以後大局已定此時緊要節目必須將著名逆賊以及外來附逆要犯悉數查拏淨盡

以絕亂萌那彥成等摺內稱官兵克城之日殲斃
賊匪九千餘人生擒二千餘人又城內尙有伏匿
之賊再行查拏此數日內自己搜捕無遺茲特交
軍機處將一切應拏賊目開寫清單發往著那彥
成查明此內業經殲斃者若干名生擒者若干名
查緝未獲者若干名分別註明據實具奏其殲斃
者必須指認確鑿以杜詐僞生擒各犯擇其稔惡

爲首傷不甚重者二三名解京其餘均卽在彼處
正法至於未獲各犯尤當乘此時上緊嚴查以淨
根株現在豫省軍務底定兵力有餘陝省岐山饑
民聚衆一事頗關緊要昨已有旨令長齡赴陝酌
辦並令高杞於克城之日帶兵前往此時滑城已
克著高杞卽速起程其西安滿兵一千名交富僧
德帶領再查陝甘所調征兵共有若干卽挑取十

分之四五派本省將官帶領俱隨同高杞由潼關一路速赴南山如到彼賊匪尙未辦淨高杞卽將所帶兵丁全數交與長齡俾資剿辦高杞卽回京復命如行至中途陝省業已竣事著將所帶官兵交富僧德等分別管帶歸伍高杞亦卽由彼進京托津接奉前旨自己馳赴滑縣軍營與那彥成等會面今滑城已克伊等會商後托津卽遵旨先行

回京其京兵一千名交原帶之慶祥等四人仍分
起管帶由正定保定一路凱撤還京此外直隸官
兵著那彥成酌度擇其不甚得力者先撤回二千
名交馬瑜富蘭二人管帶亦由正定保定一路各
歸原伍其吉林黑龍江馬隊及得力勁兵著那彥
成楊遇春均留於本營遵照前旨先在滑城一帶
駐劄將附近賊匪搜捕淨盡再移營至大名一帶

駐劄照前搜查直豫境內均無零匪然後統率官兵取道山東鄆城東昌至德州景州故城一帶一律查緝訪明地方寧謐實可放心該督等奏明撤兵那彥成楊遇春二人一同來京復命再令各回本任可也

是日托津奏言本月初十日據報是日卯刻那彥成等將滑縣攻破大兵全數登城盡力殲殺

等語臣聞報之下當卽飭令馬瑜等於各處扼要路口嚴密防守以杜潰匪奔逃旋於十一日復接據那彥成來信官兵四面圍剿竟無賊匪逸出北奔至開州邊界一帶零星餘匪經臣先後搜獲二千餘人分別辦理地方全就肅清大局已定臣現遵前

旨令馬瑜富蘭帶領宣化等營官兵留駐開境正定

鎮徐錕係其本營汛地亦令在開與馬瑜等分
投彈壓其山東官兵六百餘名及青州滿兵四
百名卽令充州鎮劉榮慶帶回山東本省交同
興分撥彈壓臣同閻俊烈於十二日起程前赴
那彥成軍營會商一切

同日文孚奏言查東省自軍興以來於臣未到
以前先經支發銀三十三萬餘兩迨臣馳抵東

昌以後續經撫臣同興提往曹州軍營十七萬兩又由局發給各州縣採辦軍需銀十四萬五千餘兩共支發銀六十四萬五千餘兩現尚存銀一萬五百餘兩其現在所發銀兩內有各營官兵借支行裝應行分季扣還者有酌撥各州縣暨曹州軍營備用尙未支完者又有與例未符尙須駁減者并有辦理曹州各屬賑卹應行

另案請銷者統俟事竣由撫_臣督同藩司分晰

報銷_臣將局中事宜交代清楚遵

旨起程回京均奏入報

聞